

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA**

**Broj: T04 0 KT 0067345 26
Zenica, 11.09.2026. godine**

**OPĆINSKI SUD U ZENICI
-Sudiji za prethodno saslušanje-**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku FBiH (ZKP FBiH), podižem

O P T U Ž N I C U

Protiv osumnjičenih:

1. **S. M., i**
2. **B. T., osuđivana,**

Zbog postojanja osnovane sumnje da su:

1. **S. M. sama:**

Tačno neutvrđenih dana, tokom 2024, 2025. i 2026. godine u Z., ugrozila sigurnost A. V. ozbiljnom prijetnjom da će napasti na život ili tijelo iste, te izazvala uznemirenje građana, na način da je u više navrata dolazila na vrata njenog stana, koji se nalazi iznad njenog stana u istoj zgradi, lupala na njena vrata, psovala i vrijeđala je, te upućivala ozbiljne prijetnje da će je ubiti na način da će je zaliti kiselinom, da njen otac ima pištolj i da će je on ubiti, zatim joj prijetila elektrošokerom na način da će je istim savladati i na taj način ubiti, svjesna da će upućenim prijetnjama izazvati osjećaj straha i nesigurnosti kod A. V., što je i htjela, koje prijetnje su kod A. V. ugrozile njen osjećaj sigurnosti, izazvale strah i osjećaj uznemirenosti za njen život, kao i izazvale uznemirenje građana, a što je A. V. više puta prijavljivala Policijskoj upravi ..., koji su po njenim prijavama izlazili na lice mjesta događaja,

2. **B.T. sama:**

Tačno neutvrđenih dana, tokom 2025. ili 2026. godine u Z., ugrozila sigurnost A.V. ozbiljnom prijetnjom da će napasti na život ili tijelo iste, te izazvala uznemirenje građana, na način da je svom poznaniku, neutvrđenog identiteta, pokazivala spisak ljudi za koje je izražavala ozbiljne prijetnje da će ih ubiti, na kojem spisku se na prvom mjestu nalazila A. V., govoreći istome da ona ima pištolj, jer radi kao ... i da može da radi šta hoće i da će ih sve pobiti, a koje prijetnje je navedeni poznanik B. T. prenio A.V., svjesna da će upućenim prijetnjama izazvati osjećaj straha i nesigurnosti kod A. V., što je i htjela, koje ozbiljne prijetnje su kod A. V. ugrozile njen osjećaj sigurnosti, izazvale strah, osjećaj uznemirenosti za njen život, kao i izazvale uznemirenje građana,

Dakle, svaka osumnjičena ponaosob ugrozila sigurnost neke osobe ozbiljnom prijetnjom da će napasti na život ili tijelo te osobe i na taj način izazvale uznemirenje građana,

Čime bi radnjama opisanim u činjeničnom opisu optužnice svaka osumnjičena ponaosob počinila krivično djelo ugrožavanje sigurnosti iz člana 183. stav 1. Krivičnog zakona FBiH.